



UNIVERSITÄTS-  
BIBLIOTHEK  
PADERBORN

**Principia Juris Canonici : Ex Libro ... Decretalium Gregorii  
IX. Pontificis M / Antehac In Alma & Archi-Episcopali  
Benedictina Universitate Salisburgensi**

**König, Robert**

**Salisburgi, 1725**

**VD18 80460518**

1. De summa Trinitate, & fide Catholica.

---

[urn:nbn:de:hbz:466:1-61781](#)

# LIBER I. DECRETALIUM.

Gregorii IX. Pontificis M.

## TITULUS I.

### De Summa Trinitate & Fide Catholica.

#### SUMMARIA.

- 1. Fides Catholica quid? 2. Est donum DEI.
- 3. An infideles cogi possint ad suscipiendam fidem Catholicam?
- 4. Credenda est SS. Trinitas, & quidquid à DEO revelatur per scripturam, traditiones, aut definitiones Ecclesie.
- 5. Requisita fidei Catholice. 6. Ejusdem finis.
- 7. Professio externa fidei quando sit necessaria de Jure Divino?
- 8. Aut de Jure humano?
- 9. An probis de Beneficio curato, vel Canonicatus fructus lucretur, si per ignorantiam omittat professionem fidei?
- 10. An scienter omittens teneatur restituere fructus ante omnem sententiam?
- 11. Qualiter superiores Regularium, & promovendi ad Doctorales gradus fidem profiteri teneantur?
- 12. Contraria fidei Catholice.

**C**um fons & norma Juris Canonici sit Fides Catholica, & quæ ejus primum objectum est, summa TRINITAS, recte hæc rubrica præmittitur.

#### §. I

1. Definitur autem Fides Catholica, quod sit substantia rerum sperandarum, argumentum non apparentium. ad Hebraos. 11.

#### §. II.

2. Causa efficiens Fidei Catholicae est ipse DEUS: Fidem enim donum Divinum esse attestatur Apostol. ad Ephes. 2. dicens: *Gratia estis salvari per fidem, & hoc non ex vobis;* DEI enim donum est. S. Th. 2.2. q. 6. a. 1. & 2. ubi refellit contraria.

#### §. III.

Subjectum Fidei Catholicae est Catholicus Viator: non enim est in Paganis, Judæis vel Hæreticis. Trident. sess. 6. de Justificat. c. 15. neque manet in Beatis aut damnatis. Certa & communis cum S. Th. 2.2. q. 6. a. 1. & 2.

Illud hic queri potest, an infideles non baptizati sint compellendi ad fidem Catholicam suscipiendam? Existimaveris cum Scoto, Gabriele, & aliis compellendos esse. Siquidem Lucae 14. v. 23. præcipitur: *exi in vias & sepes & compelle intrare.* Deinde in L. f. §. 3. C. de Paganis jubentur confiscari bona Pagorum nolentium baptizari. & in l. 12. C. de Judais. coguntur Cœlicolæ eisdem penitus ac Hæretici fidem recipere. Ad hæc, infideles post factam sufficientem Evangelii propositionem ex lege naturali & Divina credere tenentur; Ergo Principes tam Ecclesiastici, quam sacerdotes, qui custodes sunt & cultores Legis Divinæ, possunt, immo debent infideles cogere ad fidem suscipiendam. Sed opinioni huic aperte obloquuntur textus in cap. 5. dist. 45. in c. 33. causâ 23. q. 1. in c. 9. de Judais. & D. Thom. 2.2. q. 10. a. 8. ex ea ratione, quia credere est voluntatis: & ad fidem solâ Dei gratiâ vocamur. Neque urgent arguments

menta

menta in contrarium adducta: nam *Luce 14.* Christus Ecclesiae solum facultatem dedit, ut infideles nondum baptizatos compellat intrare in Ecclesiam, non vi armata aut violentia compulsione, sed vehementia argumentorum, miraculorum, aliorumque motivorum, quae mentem flectant. Quodsi allegata verba *Lucæ* etiam de vi armata sint intelligenda, dico, Christum tantumloqui de violenta compulsione infidelium baptizatorum, scilicet haereticorum & schismaticorum, qui ratione baptismi pertinent ad jurisdictionem Ecclesiae, & compelli possunt, ut redeant ad unitatem Corporis Christi, c. 4. de *Apostat. cap. 13. de Hæreticis in 6.* Ad citt. *Leges & rationem propositam respondeo*, infideles ad iusticię adam fidem sub poenis cogi nec posse, nec posse à Principibus: quia his in infideles vel nulla est potestas, vel certè tantum temporalis, & ad finem naturalem ordinata: suscepitio autem fidei non est merè juris naturalis, sed supernaturalis, & ad finem supernaturalem pertinet, *Gonzal. in d. c. 9. de Iudaïnum. 8.*

## §. IV.

**4.** *Materia seu objectum Fidei Catholicæ est quidquid divinitus Viatoribus obscurè revealatum est: immediate, vel mediately: Scripturā, Traditione. Trident. sess. 4. in decreto de Canon. script. vel etiam testificatione, declaratione, seu definitione Ecclesiae: quia enim Ecclesia DEI vivi columna est, & firmamentum veritatis. 1. ad *Timoth. 3.* & juxta Christi promissionem *Math. 16.* porta inferi non prevalebunt adversus eam. consequens est, quæcunque Ecclesia per SS. Pontifices & Concilia generalia tanquam ad fidem vel mores spectantia Christiano populo decernit ac proponebit, firma, infallibilia, ac Divinā fide credenda esse prout decisum est in c. 1. & 7. dist. 19. c. 9. c. 14. & passim causā 24. q. 1. c. 3. de Baptismo. Primum autem locum inter omnia*

fidei mysteria sibi vendicat Omnipotens & ineffabilis DEUS, unus in essentia, & Trinus in Personis: PATER, FILIUS, & SPIRITUS S. c. 1. b. t. Unde S. August. lib. 4. de Civit. DEI. c. 20. docet, *primum & maximum fidei officium esse, ut credatur in verum DEUM.*

## §. V.

*Forma Fidei Catholicæ stat in requisitis.* 5 Requiritur autem I. ut sit una: nec enim potest alia esse apud Græcos, alia apud Armenos, alia apud Latinos c. 18. causā 24. q. 1. II. ut sit firma & constans seclusa omnī hæsitatione, dubitatione, vel formidine de opposito c. 1. ibi: *firmiter b. t.* III. ut sit certa & infallibilis, ob certum & infallibile DEI de re aliqua testimonium, seu dictum; quō differt à fide humana. IV. ut sit obscura, nim. ob obscuritatem rei revelatæ & creditæ, quæ non proponitur, ut in se est, sed solum creditur firmiter sic esse, sicut revelatur & proponitur, juxta notissimum illud D. August. tr. 40. in *Joan.* *Quid est fides, nisi credere, quod non vides.*

## §. VI.

*Finis Fidei Catholicæ est æviterna felicitas: etenim fides est fundamentum ac basis totius spei, ac salutis nostræ: nam credere oportet accedentem ad Deum, quia est, & quia requirentibus se remunerat est.* Ad *Hæbraos 11.*

## §. VII.

*Effectus Fidei Catholicæ exponunt Theologicum S. Th. 2. 2. q. 7.* 7 Quibus accenserit potest, & ad nostrum institutum pertinet professio externa fidelis, quæ aliquando Jure Divino, aliquando vero tantum de Jure humano est necessaria.

*Jure Divino tenetur quilibet fidelis periculo quovis non obstante exterius fidem profiteri, quoties ita exigit honor DEI & Religionis, aut proximi salus.* *Luca 9. v. 26.* *Math. 10.* ¶. 32.

¶. 32. Ad Rom. 10. ¶. 10. S. Th. 2. 2. q. 3. a. 2.  
*Hinc, si interrogatus de fide taceas, & inde alii credant te fidem non habere, vel certe propter tuum silentium in fide nutent, aut infideles fidem contemnunt, peccas mortali- ter contra fidei præceptum. Planè exterius negare Idem sive exp̄s̄e, sive interpretati- vē, nimurum verbo, signo vel factō aliam fal- lam sectam simulando, etiamsi quis fidem ve- ram illibatam in corde retineat, est intrinsecè malum & nunquam penitus licitum, juxta Christi comminationem. Matth. 10. ¶. 33. qui negaverit me coram hominibus, negabo & ego eum coram Patre meo, qui in cælis est.*  
*Laym. in Theol. moral. l. 2. tr. 1. c. 9.*

firmiore fundamento nititur sententia negati- va: etenim juxta recitatum textum Tridentini ¶. alioquin illi solū fructus suos non faciunt. quiscienter omittunt professionem fidei, cùm ad eam tenerentur; ignorans autem non tene- tur ad observantium præcepti. Neque offi- cit argumentum contrarium: nam ultrò con- cedo, excusationem Juris adeò clari in foro externo non fore admittendam, nisi legitimè probetur; Secus in foro interno, de quo hic sermo. Et quamvis etiam in hoc foro qui- libet nōsse deberet omnia, quæ ad suum sta- tum & vitæ conditionem pertinent, posito tamen, quod aliquis planè invincibiliter ignoret, manifestum est, quod sicut talis à delicto, ita quoque à debito, aut poena ex- cusetur. Layman. l. c. num. 7.

Dubitatur II. an qui omisit professionem fidei intrà duos menses, teneatur ad fructuum restitutionem etiam ante sententiam? Negat Sanchez in Præcept. Decal. lib. 2. c. 5. n. 10. quia Lex penalis ( qualis est prædicta Tri- dent. constitutio ) non obligat ante senten- tiā, etiamsi poenam ipso jure irroget per c. 19. de Heretic. in 6. Deinde, quod ipsum Trid. ubi volt obligare ad restitutionem ante sententiam, illud clarè exprimat adjectâ clausulâ: alia etiam declaratione non fecit, ut vi- dere est in sess. 23. de Reform. c. 1. ¶. Si quis autem. Sed probabilius est, omittentem profes- sionem fidei etiam ante sententiam Judicis teneri ad restitutionem fructuum post duos menses perceptorum, tanquam rei alienæ, & quam nunquam suam fecit: Trident. enim hos fructus non aliter vult suos fieri jure per- ceptionis, quam sub conditione emissæ prius professionis fidei, ut statim patet probè ex- pendenti textum allegatum. Recipio tamen sententiam Sanchezii quo adfructus ante duos menses perceptos, & quos Parochus v.g. jam fecit suos: quia istis Trident. non privat: & gravius est aliquem obligare ad restitutionem

B

rei

8 Ex iure humano videlicet Trident. sess. 24. de Reform. c. 12. tenentur provisi de Beneficiis quibuscumque curam animarum habentibus à die adeptæ possessionis ad minus intraduos men- ses in manibus ipsius Episcopi, vel eo impeditio, coram generali ejus vicario seu Officiali orthodo- doxa & sua fidei publicam facere professionem, & in R. Ecclesia obedientia se permanuros sponde- re, ac jurare. Provisi autem de Canonicis & dignitatibus in Ecclesiis cathedralibus non solum coram Episcopo, sed ejus officiali, sed etiam in Capitulo idem facere tenen- tur: alioquin ( ut idem Concilium decernit ) prædicti omnes provisi fructus non faciant suos, nec illis possessio suffragetur. Circa quam Or- dinationem.

9 Dubitatur I. anne fructus lucrificiat Ca- nonicus vel Parochus, qui per ignorantiam aut oblivionem ultra duos menses prædictam fidei professionem intermisit? Videtur, quod non. Nam in foro externo hujusmodi igno- rantia vel oblivio, cùm sit ignorantia Canonis seu legis, non relevat per c. 13. de R. I. in 6. In foro conscientiae autem justa esse non po- test: cùm quisque id nōsse debeat, quod ad usum, statum & vitæ conditionem communī jure spectat arg. l. 7. F. de Leg. Aquil. Sed

KÖNIG IN DECRET. LIB. I.

rei suæ, sive quæ jam semel propria fuit, quām rei simpliciter alienæ, ad cuius restitutionem ipsa natura obligat. Vid. Garc. de Benef. p. 3. q. 3. n. 35. Ad argumenta allata, & quidem ad primum respondeo, constitutionem Trident. non esse poenalem, sed conventionalem: exigit enim à propositis de supradictis Beneficiis intra duos menses professionem fidei, seu conditionem, sub qua fructus suos faciant, quem admodum contrahentes non-nunquam conditiones apponunt, sub quibus & non aliter velint trahire dominium rei in alterum. Ad secundum dico, clausulam: *alia etiam declaratione non sequitur, in nostro casu ex ipsa rei natura subintelligi;* taciti autem & expressi idem est judicium per l. 3. ff. de Reb. cred. & l. 4. ff. de Paetis.

**II.** Porro Decreto Trident. de quo hactenus, Pius IV. in Bulla: *Injunctionum nobis*, addidit, ut eadem professio fidei fieri debeat ab omnibus Superioribus Regularium; quæ tamen Bulla in quibusdam Religionibus vel nunquam recepta, vel usu contrario abolita est, ut notat Diana p. 3. tr. 78. Insuper Pius V. in Bulla *In sacro sancta decernit*, ut ad hanc fidei professionem teneantur omnes Doctores, Magistri, Regentes, & alii cujuscunque artis aut facultatis Professores tam Clerici, quām Laici. Ubi etiam continetur excommunicatio latæ sententiae, & privatio omnium Beneficiorum in eos, qui aliquem ad ejusmodi gradum vel cathedram sine prævia fidei professione promovent. Laym. d. c. 9. num. 7.

### §. VIII.

**12.** *Contraria Fidei Catholicæ est infidelitas, nempe judaismus, paganismus, & hæresis.* Trid. sess. 6. de Justif. cap. 15. ubi afferit, *fidem infidelitate amitti.* Haud igitur accesserim Durando, qui contendit fidem permanere in Hæreticis, & in iis, qui alii cui fidei articulo scienter dissentiant.

## TITULUS II. De Constitutionibus. SUMMARIA.

1. Constitutionis etymologia. 2. Synonymia.
3. Homonymia. 4. Definitio. 5. Et Divisio.
6. Leges Ecclesiasticas generales ferre possunt S. Pontifice & Concilia Oecumenia.
7. Particulares & Cardinales, & ibi de Authoritate Eorumdem Declarationum.
8. Item Episcopi, alioq[ue] Prælati; Concilia & particulares & Capitula Ecclesiistarum Cathedralium.
9. Leges Civiles generales condere possunt Summi Principes & quidem in Imperio Imperator; particulares autem aliis Principes inferiores & communitates.
10. An Legislatur subiectatur sue Legi?
11. An Clerici legibus secularibus?
12. An Laici legibus Ecclesiastici?
13. An legibus obstringantur usus rationis carentes?
14. Quando pueri incipiunt obligari legibus maximè penalibus?
15. An Peregrini obligentur statutis sue patriæ: aut loci transitus?
16. An Religiosos tum exemptos, tum non exemptos ligent statuta Diocesana?
17. Quæ Leges præcipi, prohiberi, puniri aut permitti possunt?
18. An actus interni & occulti cadant sub legem?
19. Lex non obligat, nisi publicè promulgata.
20. Ubi leges præscriptim Pontificie promulgande, & an statim post promulgationem obligent?
21. An valor Legis dependeat ab acceptatione populi?
22. Leges necessariò ordinantur ad bonum commune.
23. Lex humana obligat in conscientia, nisi sit fundata in presumptione facti, aut purè penalise.
24. Ad incurrandam penam Legis regulariter requiritur sententia.
25. An & quatenus transgressorum Legis excusat ignorantia.
26. Si Lex actum prohibeat, censetur irritare.
27. De interpretatione authentica, usuali, & doctrinali.
28. Abrogatio Legis quid sit, à quo, & qualiter fieri debet?
29. Lex posterior contraria regulariter abrogat priorem, et si de ea mentionem non faciat.
30. Derogatio quid?
31. Dispensatio quid: & quis in Lege dispensare possit?
32. Cum quibus dispensari possit, & an quis secum ipsi?
33. An S. Pontifex possit dispensare in iure Divino?
34. Dispensatio debet fieri cum cognitione causa.

Prin.